





Monasterio S. Crucis subiciuntur; Cum decreto restitutionis virgæ:

Et pœne excommunicationis, donec ad Abbatem S. Crucis obedientiam revertantur.

Callisti PP. subscriptio. Dat. die 30. Martii anno Domini 1123. Pontificatus v.

fuit, ita in posterum in vestri Monasterii sit obedientia, & dispositione subiecta: Ille vero baculus, sive subreptionis virga, in vestrum dominium redigatur, & ne aliquod de cætero scandalum moveat, omnino frangatur. Si quis autem hanc nostram & generalis concilii constitutionem & collaudationem aliqua temeritas infregerit, sancti Spiritus iudicio, & indignationi Sedis Apostolicæ subiacebit. Monachi autem sancti Macharii excommunicatione, qua a nobis & Archiepiscopo percussus sunt, tamdiu teneantur, donec ad Abbatem S. Crucis obedientiam revertantur.

EGO CALIXTUS Catholicæ Ecclesiæ Episc. Datum Laterani per manum Hugonis S.R.E. Subd. III. Kal. Aprilis, Ind. I. Incarnat. Dominicæ anno MCXXIII. Pontificatus autem D. Calixti Secundi PP. V.

X X I X.

Confirmatio iurium omnium Panormitanæ Ecclesiæ.

Ex Tom. I. Siciliæ Sac. Roci. Pirri ubi de Panormitanæ Ecclesiæ Panormitanæ.

Exordium.

Calixtus Episcopus, Servus Servorum Dei, venerabili Fratri Petro Archiepiscopo, a nobis de Squillatina Ecclesiæ in Panormitanam translatæ, ejusque successoribus canonice institutendis, imperpetuum.

Justis votis assensum præbere, iustisque petitionibus aures accomodare nos convenit, qui licet, indigni iustitiæ custodes, atque præcones in excelsa Apostolorum Principum Petri & Pauli specula positi, Domino disponente conspicimur. Tuis igitur, frater in Christo carissime Petre Archiepiscopo, iustis petitionibus annuentes, sanctam Panormitanam Ecclesiam, cui auctore Domino, per nos institutus presides, auctoritate Sedis Apostolicæ communicamus; statuimus enim, ut Panormum, Misiliminum, Cornelianum, Bicarum, Therme cum pertinentiis suis, & possessionibus, & coloni, decimæ, & episcopalia jura ipsius Parochiæ, nec non & omnia quæ terræ Principes, & alii fideles viri de jure suo eidem Ecclesiæ contulerunt, & quæ ipsi Ecclesiæ jure antiquo pertinere videntur, quieta & libera, in tua tuorumque successorum ditone auctoritatis nostræ assertione permanent; omnem quoque libertatem, quæ a Prædecessoribus nostris sanctæ memoriæ Alexandro II. Gregorio VII. & Paschale II. R. E. Pontificibus, prædecessoribus tuis Panormitanis Archiepiscopis Nicodemo, & Alcherio, & per eos Panormitanæ Ecclesiæ concessa dignoscitur, nos quoque auctoritate apostolica damus tibi, & per industriam tuam Ecclesiæ ipsi concedimus, & decreti hujus pagina confirmamus. Pallii quoque usum, qui antecessoribus tuis a nostris Antecessoribus est concessus, dilectioni tuæ concedimus; quo videlicet uti debetis diebus illis, qui in Ecclesiæ tuæ privilegiis distinguuntur. Cujus indumenti honor quoniam modica actuum vivacitate servandus est, hortamur, ut ei morum tuorum ornamenta conveniant; quatenus auctore Deo recte utrobique presens esse conspicuus. Quamobrem, charissime frater, quoniam pastoralis curæ constringit officium, dilige fratres, ipsi quoque adversarii propter man-

Confirmantur Panorm. Ecclesiæ bona omnia, pertinentiis, &c.

Donationes Principum.

Et Diplomata Pontificum.

Petro Archiepiscopo Pallium conceditur.

Cum gravi adhortatione ex materia ipsa, & dignitate ipsi ejusdem delinquenti.

datum Dominicum tuo circa te copulentur affectu: pacem sequere cum omnibus: sanctimoniam, sine qua nemo videbit Deum: piis vaces operibus: virtutibus polleas: fulgeat in pectore tuo rationale iudicii cum superhumerali actione; conjunctum: ita procedas in conspectu Dei, & totius Israel; hujusmodi gregi commisso præbeas exempla, ut videant opera tua bona, & glorificent patrem tuum, qui in Cælis est: sit in lingua sermo, sit cæli fervor in animo: creditum tibi agrum dominicum exerce: dum licet, semina in timore: dum tempus est, bonum faciendo non deficias tempore enim suo metes, non deficiendo vigilant. Itaque terrena negotia relinquens cælestibus anhela, quæ retro sunt obliviscens, in ea, quæ ante sunt temetipsum extende; mens tua in seculari veritate non distuat, sed tota in unum currat, atque confluat sinem, quem mira suavitate David respexerat, cum dicebat: Unam petii a Domino, hanc requiram, ut inhabitem in domo Domini omnibus diebus vitæ meæ. Sancta Trinitas fraternitatem tuam suæ gloriæ protectione circundet, & ad finem, qui non finitur, pervenire concedat. Si qua vero in futurum ecclesiastica secularisque persona, hanc nostræ constitutionis paginam sciens, contra eam temere venire tentaverit, secundo tertioque commonita, si non satisfactione congrua emendaverit, potestatis honorisque sui dignitate careat, reamque se divino iudicio existere de perpetrata iniquitate cognoscat, & a sacratissimo Corpore ac Sanguine Dei & Domini Redemptoris nostri Jesu Christi aliena fiat, atque in extremo examine districtæ ultioni subjaceat. Cunctis autem eidem Ecclesiæ iusta servantibus sit pax Domini nostri Jesu Christi; quatenus & hic fructum bonæ actionis percipiant, & apud districtum Iudicem præmia æternæ pacis inveniant. Amen. Amen.

EGO CALIXTUS Catholicæ Ecclesiæ Episcopus. Datum Laterani per manum Hugonis sanctæ Romanæ Ecclesiæ Subdiaconi Cardinalis, IV. Monas Aprilis, Indictione prima, Incarnationis Dominicæ anno MCXXIII. Pontificatus autem Domni Calixti II. PP. anno V.

X X X.

Confirmatio Irritationis & Invalidationis Privilegiorum, Pisani Archiepiscopi concessorum de consecratione Episcoporum Insulæ Corsicæ.

Calixtus Episcopus Servus Servorum Dei, dilectis fratribus, & Coepiscopis per Insulam Corsicæ constitutis eorumque successoribus, in perpetuum.

Quot mutationes, quot scripta inter se diversa de vestris facta sint consecrationibus, tota jam pene cognovit Europa: Unde, peccatis exigentibus, multa scandala, multæ cædes, & rapinæ, multa etiam homicidia, atque periuria provenerunt. Quamobrem Romana Ecclesia levitatis, & inconstantie a compluribus arguebatur, eo quod ipsa discordiæ hujus seminarium, & occasio videbatur. Nos ita-

Clausula confirmatoria paginæ hujus.

Callisti PP. subscriptio. Dat. die 2. Aprilis anno Domini 1123. Pontificatus anno V.

Ex Ughell. Ital. sac. Tom. IV.

Exordium.

Series facti in Concilio Lateranensi exposita. Cognovit quoque qua ratione Urbanus II. i. f. s. Archiepiscopus Corsicanorum Episcoporum concessit consecrationem; Ac postmodum ad se revocaverit.

Quo motu exemplo Paschalis PP. eosdem Episcopos suis manibus consecraverit.

Gelasius vero datum Pisanis Privilegium, Romæ cassaverit.

Quod postea factum ab eodem Callisto.

In eodem itaque Concilio cassata sunt omnia hæc Privilegia.

Itaque in præterito, quod nuper celebravimus, Laterani Concilio totius negotii hujus seriem coram universis fratribus, qui nobiscum aderant, exposuimus, videlicet quoniam felicis memoriæ Prædecessor noster Papa Urbanus, necessitate quadam compulsus, Corsicanorum Episcoporum consecrationem per privilegium suum Antistiti Pisanorum concessit; qui tamen postmodum, & Romana Ecclesiæ scandalum pertimescens, & gravem inter Pisanos & Januenses oriri discordiam videns; concessionem ipsam mutavit, & antecessores vestros, sicut moris fuerat, suis manibus consecravit.

Post hunc, piæ recordationis Dominus Papa Paschalis, quamquam in multas & gravissimas devenisset necessitates, nullis tamen precibus, aut promissionibus ad hoc induci potuit, ut prædictas Pisanis firmaret concessionem; sed Prædecessorum vestrorum consecrationes Romanæ Ecclesiæ conservavit.

Cujus successor Papa Gelasius, majori & graviori necessitate Romæ exire coactus, transmontanas partes navigio adeundo, Privilegium idem, quod a Domino Papa Urbano de consecratione vestra Pisanis collatum fuerat, cum Pisanis venisset, renovavit: Quod tamen postmodum, eandem Pisanorum & Januensium perturbationem prospiciens, annullavit.

Nos etiam, qui eorum loco, imo beati Petri, licet indigni, succellimus, de ultramontanibus partibus ad Urbem accelerantes, Pisanos devenimus, ubi eorumdem Prædecessorum nostrorum Urbani, & Gelasii vestigia subsecuti, ejusdem populi precibus, ac devotione devicti, eandem innovavimus concessionem. Cum vero ad Urbem per Dei gratiam venissemus, de facto non...

Cleri, & populi commotionem invenimus, & quod in concessione illa, quæ extra Urbem, & cum paucis facta fuerat, Romana Ecclesiæ diminutionem patiebatur, & totius discordiæ, ut dictum est, ministrare fomitem videbatur. Nos itaque post multam & diutinam deliberationem, communicato consilio cum fratribus nostris Episcopis & Cardinalibus, atque Nobilibus Romanorum, nec non multa Cleri & populi multitudine, easdem evacuavimus concessionem; & vobis, ac successoribus vestris Apostolicæ Sedis privilegio antiquam restituimus libertatem, & fratrem nostrum Sagonem Episcopum nostris tamquam beati Petri manibus consecravimus, quæ tandem scripta ab Apostolica Sede utrique parti collata in præsentia Pisanorum & Januensium, quos pro ejusdem negotii diffinitione ac Concilium vocaveramus, coram universis Archiepiscopis, Episcopis, Abbatibus, ac reliqua Cleri & populi multitudine fecimus recitare, & factum nostrum, de quo nulli mortalium iudicare concessum est, fratrum nostrorum consilio & iudicio commisimus finiendum: Ex quibus electi sunt iudices, qui omni videbantur suspitione carere: quorum nomina sunt hæc: Patriarca Veneticus, Viennensis, Ravennat. Capuanus, Salernitanus, Narbonensis, Syrontinus, Panormitanus, Barrensis, Neapolitanus, Tarraconensis, Senonensis, Burdegalensis, Archiepiscopi: Episcopi: Viariensis, Trojanus, Magolanensis, Astensis, & alii complures, qui in partem Lateranensis Palatii sedentes, & causam totam utriusque diligentius indagantes, post multam deliberationem,

& consilium communi assensu, & privilegia super hoc Ecclesiæ Pisanæ collata cassari, & ultimum, quod Corsicanus Episcopus a nobis ad aliorum correptionem, & ad beati Petri patrimonium recuperandum factum fuerat, proprium obtinere robur debere dixerunt.

Quod consilium venerabilis frater noster Vualterius Ravennas Archiepiscopus vice Iudicum electorum, nobis & reliquis fratribus recitavit, idem concilium asseverans vim obtinere iudicii. Porro nos, quod a prænominationis fratribus nostris deliberatum fuerat, in novissimo concilii die coram universa Synodo recitari præcepimus: Cumque ab omnibus Archiepiscopis, Episcopis, & Abbatibus, & reliqua Cleri, & populi multitudine, placere sibi, frequenter acclamatum fuisset, nos cognita eorum sententia, & Cleri, & populi Romani voluntate perspecta, sancti Spiritus censura, & auctoritate apostolica, scripta de vestra consecratione Pisanæ Ecclesiæ collata, damnavimus; & quod a nobis de vestra libertate statutum fuerat, eadem auctoritate firmavimus: Pisanis perpetuum super hoc silentium sub anathematis vinculo imponentes.

Si qua igitur in futurum ecclesiastica secularisque persona, hanc nostræ constitutionis paginam sciens, contra eam temere venire tentaverit, secundo tertioque commonita, si non satisfactione congrua emendaverit, potestatis honorisque sui dignitate careat, reamque se divino iudicio existere de perpetrata iniquitate cognoscat, & a sacratissimo Corpore Dei & Domini Redemptoris nostri Jesu Christi aliena fiat, atque in extremo examine districtæ ultioni subjaceat.

Cunctis autem eam servantibus sit pax Domini nostri Jesu Christi, quatenus & hic fructum bonæ actionis percipiant, & apud districtum Iudicem præmia æternæ pacis inveniant. Amen.

EGO CALIXTUS Catholicæ Ecclesiæ Episcopus. Ego Robertus Cardinalis tit. sancti Eusebii subscripti.

- Ego G. G. Cardinalis tit. SS. Apostolorum ss. Ego Benedictus Cardinalis tit. S. Eudoxii ss. Ego Anastasius Presbyter tit. beati Clementis ss. Ego Joannes Presbyter Cardinalis tit. sanctæ Cecilie ss. Ego Theobaldus tit. Pamachii Cardinalis ss. Ego Desiderius Presbyter Cardinalis tit. sanctæ Praxedis ss. Ego G. G. Cardinalis Presbyter tit. Lucinæ ss. Ego Theobaldus Presbyter Cardinalis tit. S. Anastasie ss. Ego Johannes Cardinalis S. Chrysoconi interfui, & ss. Ego Petrus Presbyter Cardinalis tit. sancti Marcelli ss. Ego Crescentius Sabinensis Episc. Ego Petrus Portuensis Episc. ss. Ego Vitalis Albanus Episcopus ss. Ego Prænestinus Episcopus ss. Ego Agidius Tusculanus Episcopus ss. Ego Petrus Cardinalis Presbyter tit. sancti Callisti ss. Ego Crescentius Cardinalis Presbyter tit. sancti Martini, Marcellini, & Petri ss. Ego Gherardus Presbyter Cardinalis S. Priscæ, & Aquilæ ss. Ego Sigico Presbyter Cardinalis S. Sixti ss.

Episcoporum Corsicæ consecratio sedi Apostolicæ reservata.

Perpetua que Pisanis silentium imponitur.

Solita clausula contra materia.

Callisti PP. R. S. R. E. Cardinalium subscriptio.